





道鄉先生鄒忠公文集卷之四

古詩

分韻送德符還山得送字

秋風歛來歸秋事日夕動葉淨高嶺高煙空潁川縱  
茅齋鬱其傍妙與猿鶴共拂衣問前途不作河濱夢  
念君如病松重以旻天慟未屠朱子龍且集黃公鳳  
伊予亦何爲於此迭賓送慎勿甘自埋斯文要梁棟

送陳志仁赴河州司理

佳人宰木懸秋月穉子霏霏灑清血枯風冷雨暗長  
天借使端居亦心折問君夙駕今何之萬里關河西



復西西州平昔但聞語不意黃塵隨綠衣將軍雅歌  
飛玉觴健兒如鼠馬如羊桁楊生耳臥庭廡日冀賓  
僚來畷良雪霜肅遠百草死孤峯嫋嫋砂磧光城頭  
笳鼓咽初曉夢破衾裯皆異鄉情鍾矧復是君輩只  
應予稍攢中腸只應予稍攢中腸當思夫人在高堂

送羅正之爲兩浙提刑

滄溟可枯山可移公心獨與天地期田間經術入州  
縣所至父老均兒嬉明明日月照肝膽謂言吾民方  
阻飢回車爲我作豐歲要令國體無瘡痍買臣郡去  
不持節季真逸請非康時幾年夢想在松檟再拜一

觴今得之鄉人擁路識忠孝雅慰平生良可知恩光  
到此何以報行矣二浙如王畿

送裴仲孺爲太和尉

時與崔遐紹蘇世美樂文仲王仲弓以故人從此去

爲韻分得去字

波濤幾千里洶洶東南注故人帆北風絕意蛟龍怒  
孤舟何處城幾盡長江路鴻鴈方來飛霜雪耳疑汨  
夜旦耳目中動與客心忤況乃青雲姿四十困不遇  
有室常聲懸未免折腰去命也天造之智力豈其預  
端能一判然楚越猶跬步崖邊晚分携君顏湛如故  
送李子威致仕還鄉



人間勲業如作詩先生能詩端自知人間得喪如奕  
碁先生能碁復何疑此身未免人間世南北東西聊  
爾耳波濤風際湧丘山不害江河爲止水今年青春  
草木青只有白髮日日新先生一笑謝簪紱歸作三  
吳高尚人三吳寒暄幾來去童時問井今猶故問門  
親舊半成空徃徃子孫無託處先生第宅瀕清流負  
郭歲有千鐘收揮金買酒醉花月一局一篇方外遊  
諸郎森森美且脩名聲相繼徹冕旒斑衣夙夕奉顏  
色借問達官誰與儔他年再拜鄉人後猶能敬爲先  
生壽

送散老歸龍井

長安冥冥砂礫飛道人趺足來何爲師恩淡髓未云  
報誓求卿相成其碑卿相盈朝成者誰尚書妙墨侍  
郎詞二蘇二公奔走天下士士獲一面猶幾希道人  
願力豈不滿文字乃今兼得之龍井神龍應護持杖  
頭星斗東南垂過門別我自色喜我愧儒冠多背師

送榮子邕宰新鄭

子淵陋巷居子真巖下耕窮約一如此不妨道自行  
矧君有民社南面恩光榮問學富經濟豈不慰高情  
爾來幾薰風許洛猶聲名還將模範心農桑厚群生



行矣輦人歌國僑相弟兄

送鄭州吳綬通直北歸

霜雪下群木江山拱高城曠然爽氣中幅巾日將迎  
精神在文史朋舊皆公卿乃於功最時冰泮人間情  
不待髭髮改乾坤付柴荆虛襟本無繫風御聊爾行  
此邦鬱多賢向來集聰明德翁可君心歸歟助長生  
次韻答交代俞樗年教授見簡之什

吾鄉藹多士夫子惟英才妙年雙眸清不爲紛華開  
飛聲動寰宇著錄爭徘徊論說翁以定端如匡鼎來  
著鞭青雲衢飄飄謝塵埃伯鸞賦五噫少陵歌七哀

豈比太平遇得志無疑猜朝綱舉天網陞黜常恢恢  
胡然落泮宮猶歎南山臺維今堯舜君側席方虛懷  
簡拔到寒谷未始由梯媒懸知器業成指日登蓬萊  
伊予愧樸櫟聿來託高齋與君出處間一一金石諧  
峴首鬱蒼莽江流澹縈迴龍臥縮頭角騰驤埃春雷  
君車亦難緩行矣明詔催逸步從此分駑駕安能陪  
知府呂大鄉餞別樗年以今我來思雨雪載塗  
分韻賦詩得雨字

使君出吾鄉門牆掃塵務諸生擁經來翕然影響赴  
維時夫子賢獨入青眼顧河南拔賈生千載一高步



爾來十五年終然阻鷓鷯如星不展天而乃西南雨  
晚逢使君車亦復此邦駐從容平生歡萬事散朝霧  
江山飛雪霜井井歲云暮我來踵規模夫子故長路  
使君有高情肅以豆觴寓賓僚集清夜健筆落佳句  
行矣勿稽遲青雲答知遇

奉和邢舍人寄望之愚溪朝陽巖

冷風不動水無聲倒影沖融漾太清公為少留誰會  
意且憑詩句作長城

又

我聞紫微公潤色蓮東里道阻未識面馳心極雲駛

及此襄漢遊黃堂見名氏乃知吏民上屹若楚山峙  
不以外自殊夙興酬寄委陶瓦煥窮閭長堤蠹江涘  
陋彼繩墨拘畏首復畏尾坐令焚溺餘衣食就安址  
流澤配羊杜如水注無底念茲智略成愚者豈同履  
胡為愚溪水嘯詠送寒暑虛涵萬象幽清絕一塵滓  
想公溪上心所得似夫子歲律方崢嶸撫事聊爾耳  
鼓枻得浮沉觀魚謝竿餌應憐柳司馬愛身異桐梓  
仲益約遊延慶不至作此戲之

出門無他岐一徑指山麓餘寒弄晴陰淅瀝散輕玉  
我僕亦賞心我馬亦飛肉回首幕中英文書正拘束



道維集卷四  
與節推李師益遊谷隱習池

無心一何求無垢一何洗與子入山來放脚東風裡  
巖根初著花溪水半流水一笑真偶然松聲為誰起

謝仲益惠蘭

隣家得蘭惜不得數本分來好顏色兒童見之喜歡  
顛驚回午夢松江側起隨斤斲聊齋前面試欄干相  
並植氤氳猶帶鳳山雲彌天道安端我卽壁立亭高  
秀谷幽想見僧移動晴碧根深叢迥無他虞青眼東  
君方着力影連桂月共扶踈香入梅風更引翼此心  
莫逆知誰何金粟如來在東壁

次韻和端夫遊谷隱

是日端夫畫大悲像初成設供

我生泉石中清賞殊不足得官漢上來邂逅亦溪谷  
他時長安塵用此塵外贖城南百餘里灑落自風俗  
招提密相忘一一儼西竺緬惟作者謀永集荆楚福  
興國最佳勝千柱列巖屋前疏白馬泉後據雙鳳麓  
衲衣擁雲外挂杖倚藤竹天龍咫尺耳入戶體生粟  
誰為逢氏迷不復棖也慾落英無再紅秀髮豈常綠  
共將香火心稽首千手目老僧獨何為瞬我掣電速  
已矣勿重言良藥反成毒

次韻端夫聞江北水磨



道集卷四  
萬事根本初難明聲之所發由聲聲不有智者抉其  
障直如寶劍埋豐城風生風濟孰嘘吸制作解成琴  
與箏矧茲江漢瀉荆楚含枻初熟飛流鸞波濤暗逐  
歲月長激激灘際春雷鳴白沙湖邊更湍急五磨因  
緣資養生城中鞭驢啼欲死亦或人勞僵自橫借令  
麥破麪浮玉青蠅遽集爭營營迺知此策最長利朱  
墨豈復嗤南榮天輪地軸駭晝夜彷彿颼扇吹蒼瀛  
遊江夫人儼然坐蛟龍不動如石鯨只應神物亦持  
護我輩何妨雙耳清

送望之移帥荆南

荆湖地與蠻獠通江陵開府節制雄勁兵十萬擁  
虎鼓角聲動波濤風列城如子滿碁面一一元帥呼  
吸中陛下鈎簾撫天宇妙選百辟今屬公楚峰峻拔  
江漢廣晴光帶影落落宮懸知黃馘日飽飯酣歌鼓  
腹均兒童裕陵栢老松霜露鍾山杖屨埋蒿蓬自從  
知已失君相隼旗能軼西復東赭袍可想不可見十  
年一夢朝來空荆湖雖重豈留處朝廷百度皆元豐  
次韻魏道輔教授折梅懷荆帥望之

霜風未放江梅拆似向人間將價索冷然一解冰雪  
顏花有天倫此其伯見卯求鷄亦非早只今已覺和



羨好殷勤猶是故時香驛路一枝情  
森森我公所向物皆春想見新花如漢濱  
新花故人政如此欲了此心惟斲輪

送蔡推賈時以通直郎致仕還荆南

秋聲起庭端索索故時語幾人清鏡中  
鬢髮默自許東隣坐長歎曰此非吾所平生困一官酒若醉醪醕幸今豁然醒可以事高舉田園熟瓜芋茅茨庇風雨向來避席人把臂相爾汝年光雖云暮猶足送寒暑斯言不浪酬即日去幕府我惟塵世浮貴賤等逆旅寬為百年期形骸二丘土夫君脫身遊蓬蒿不知所行矣數珠功青天走龍虎

戲督潛亨作春羹

先生家資餘玉粒粉以為餅陪春羹春羹品物謝時味江流暖泛園中英晴窓對案忽舉首徑走長鬚呼友生襄陽大夫腹如鼎一著九牛猶未盈懼然放筋卽過我自歎瓊庖逾大烹且言初意亦在我屬我府事留西城先生飯不飯俗客若苦轉眄相倒傾東風雕刻物物好槎頭縮頸尾不賴藥苗蔬甲破土出似與米齊爭功名應憐十載瘦藜莧為我一除飢腸鳴

潛亨既見和再作此贈之



不作苟見如君平不以禮屈如樊英屢屢堅臥三十  
載凜凜風聲人自傾牆東牆西過高馬往往愧汗面  
發頰豈知嗜欲極豺虎白晝擇肉無厭盈有時一飯  
稔奇禍他年五鼎還遭烹狡兔未滅黃犬在突兀上  
蔡空前城先生謝去既飽德鼓腹之趣終難名更要  
我輩集匙筋風雨不變如鷄鳴自憐頭額乏奇表幾  
與齏鹽同此生不愁揆手遂傾覆只愁未至聞曼美

次韻仲益解嘲

真宰幹萬物物物相乘除童角贖以牙畢竟均有無  
江山與絲竹等為薦虛徐江山寂寞生絲竹富貴餘

要知謝安石青史端幾書達人眼目開洞照無親疎  
安用欣厭間浪取爾與余獨喜豐蔀幽坐獲驪龍珠

和歐陽彥立再用仲益前韻

山行跡未掃倏忽歲已除東風從東還天機動群無  
自憐藜莧中遭時謝嚴徐兩曜棲睫端輝光照三餘  
爾來知昨非一笑捐詩書虛室自朝夕與世成濶踈  
胡為公子賢賓集亦到余鳴泉春際飛聊復觀跼珠

次韻和知府歐陽叔弼學士禱雨武侯祠

盲風日日吹塵土謾說有年歌自古紛紛機械空作  
勞況乃象龍求致雨黃堂學士極憂心忍復賓前事



道續集卷四  
懸堵儻助豐穰能出雲境內山川無不舉丞相威靈  
凜一方遠矚祠宮途可取旌旗拂曉動長庚髣髴飛  
雲趨兩府精神洞達金石開此意豫應神已覩況公  
愛民如愛子不以斯民供鼎俎居士庵中常默然田  
里人人自安處他時刀劍倚市門徃徃買牛耕草莽  
心絕多岐禮義生和氣氤氳見眉宇惟天至聰下其  
耳飽聽歡謠薦佳語故宜神力導休祥不待牲醪集  
軒廡胡為風旱久未寧行矣斗柄將建午豈煩瑞祝  
更殷勤禱處由來似尼父三分天下指掌間顧此提  
封才一羽沛為甘澤定不難溝澮縱橫互吞吐坐令

百穀暗郊原會見腰鎌分勤苦儒宮釜魚端欲生自  
笑年來遽如許雖無高廩並坻京猶得黃昏鳴食鼓

時學糧不足方  
有求府中故云

嘲仲益

春時植蘭甚勤比新東軒遂悉鋤去或  
者譏笑則曰予將易竹於此作此戲之

低簷廕茅竹陋如野人居夫子莞爾笑曰此真吾廬  
庭前鬱喬木庭後猶蓊蕪芟削隨手淨春蘭植扶踈  
光影動窻几馨香襲文書皎然紉佩心邂逅同三閭  
爾來基構新百事凌徃初突兀煥華屋茅竹掃蕪餘  
雙楠庭之珎斬伐殊榮枯要知碧油幢特立當堦除  
念念入勲業不與蓬華俱蘭雖不生門安能追誅鋤



道維集卷四  
十一  
剖琴如剖薪烹鶴如烹魚珠玉抵飛鳥罇鐘委洪爐  
逝矣覆轍存來車猶此涂尚欲取脩竹永以娛朝晡  
問竹竹無言冷風一虛徐

寬夫率同諸公謁大悲寺觀所畫聖像以回向  
心地初分韻賦詩得初字

襄州城東十里餘天僊大悲江山居白龍盤伏不敢  
動澄波如練風前紆飽聞黔首喜相謂微此妙相吾  
其魚鼎來巾屨陪作禮他年假道今題輿毫端願力  
燦有感手目縱橫隨卷舒高亭短棹青春裡雲雨曉  
霽乾坤虛誰將五色染萬物物可意難親踈會須  
指顧發深省此心長似楚香初

次韻和簽判靳慎微奉議謁武侯祠有作

臥龍得風霆天宇不難肅曆數端何歸轉眄移禍福  
廟食凜平生光靈走川陸欲知庇斯人綿延視巫祝

廟祝馬氏自唐  
會昌二年充

戲示柄

汝爲獅子時而作獅子吼他年毛骨成一顧百獸走  
次韻答詹成老謝密雲龍之什

龍鳳小團分禁戶往往稱珍減前語元豐天子妙風  
雷萬古埃塵沙新雨壑源春貢識此心不比豫州常



泉紵卿雲密密擁蜿蜒御府僅能千百數匪頒臺閣  
裁幾人恩逐味增淪骨髓帝鄉僊去鼎湖空井閔閣  
門猶玉乳龍髯雖在龍莫形只有雲留瑞民伍葉家  
所得最非常好事殷勤始容取故人分贈不遐遺憐  
我哀摧病方瘡莆陽英爽杳難攀品目縱橫誰扞禦  
仰惟筆削到茶經亟以將誠歸許與詩來寒谷歛然  
春坐覺輝光滿禾黍

次韻和成老謝何伯震

滄溟倒挽供餅壘少年取醉真豪裁天旋地轉膽如  
斗何獨謫僊方逸才爾來意氣折憂患霜雪仍從雙  
鬢催吾師吾友得渾沌有口不復向人開賓筵竟日  
但跌坐竦聽搖犀談玉盃中分魯國兩夫子道德未  
逢賢者哀黃鍾大呂相應和儒風賴以扶傾頽伊予  
幸甚獲親炙獨愧不如匡鼎來

送石師稷還新昌

官失常丁民破產僅有流波入春眼行人不管居人  
愁但喜船頭解初縮汀洲夢破白鷗前歸意崢嶸淨  
如剗挽君君竟逐風東暝立西樓思何限念君心似  
嶺雲高卷雨收雷依巖嶂弟兄元愷正功名獨自巢  
由謝青簡君今杖履煙雲中我憶當年寄蕭散情深



人合昭天倫相與宮商真律管可憐燕越阻尋盟夜  
壑不留空舊館只應石佛儼巍巍爲我旃檀薦誠款

遊湘西道林寺用沈禪師韻

賜環殊無功可論放逐復向山前奔道人眸子炯如  
故邀我累日遊祇園御書新閣插霄漢祝融嚴拱世  
所尊恍然身世脫塵垢矯若鴻鵠辭籠樊是時秋老  
雨脚斷晴光萬里凌朝昏北辰直下望天關紛紛郁  
郁卿雲屯綵衣蘭膳奉顏色想見協氣還闔門鴈飛  
不到竟何許日冀浣滌除癥痕四年之中兩到此易  
搖難立憐孤根方寸倏忽叢百感湘源白鶴空盈樽

湘源白鶴乃長沙酒名

道人顧我亦無語但指幡從風際翻由

來否泰反其類況逢主聖同羲軒而今而後戒覆轍

長記崇寧初紀元

予以罪貶實在崇寧改元之歲故有是句

謁女貞何氏祠

正月一月雨不休朝來一望陰雲收衆陽扶導日輪  
出輝光儵忽盈九州欣欣草木動新意鸞鳳鼓翅翔  
天遊高山託處將半載真人風韻長凝眸精神澡雪  
亦已久懽言夙駕南岡頭僊居樓閣拱彤像祥煙瑞  
靄簷間浮焚香再拜適我願想見王母同優游蟠桃  
不老春更永人間變化知幾秋重今重蓋擁車馬氣



勢赫赫移山立萬方有口莫敢議勲勞自以爲伊周  
門牆日暮祝遐筭長守富貴無與儔于今掃蕩一何  
有白楊影裏令人愁丈夫祈嚮乃如此孰爲女子能  
清修功成直上紫霄去遺蹤猶向瀟湘留我來不及  
叩真訣真訣固在冥心求五行八卦自流轉生天生  
地生物稠騎龍跨虎越宇宙豈但洗滌無愆尤他年  
誰作神僊傳寫入高僊吾姓鄒

醉飲

我生不嗜酒斷來仍十年前年竄嶺表去年斥湖邊  
欲以禦瘴濕迺復酒至前一杯復一杯朝莫常醺然

因之醉鄉遊別是一山川日月不相促萬物同暄妍  
眼界絕塵汗耳根遺俗讓心平氣日和妙與天地全  
歡糟而舖醅信以昔人賢琴外陶靖節詩中李謫僊  
聲利挽不回昏昏長醉眠有師誰得之我奉以周旋

謝衡州花光寺仲仁長老寄作鏡湖曹娥墨景

枕屏

道人秀骨生何許若耶溪邊清風聚不從章甫事功  
名遊歷諸方參佛祖祝融峰下忽擡頭覩破虛空笑  
而舞折脚木牀二十年門外草深無寸土偶然消息  
落人間挽出花光照今古我舟邂逅泊山前霧捲雲



開見眉宇更知我自浙東來曾擁旌旗塵督府千巖  
萬壑繞罇罍夢斷臥龍誰是主為將池墨灑較綃故  
國封疆歸擇取曹娥江接賀家湖環以峰巒暝煙雨  
森森喬木動樵風廟貌崢嶸閱神禹碑留遺刻蔡邕  
題注目端為楊主簿子猷興盡季真亡髣髴棹聲迴  
遠浦乾端坤倪渺莫窮咫尺并包入庭戶坐令鄉思  
滿瀟湘恨不歸飛插雙羽蒼桐洞庭南北中氣象縱  
橫隨步武祗緣流放阻君親入眼雖奇若無覩道人  
方便巧施為乃以家山慰心腑舊愆猶冀獲消除恩  
錫餘年返農圃青鞋布襪謝塵埃肯使高縱慙杜甫

### 除名

前年除名竄新州今年除名竄昭州我名無實浪自  
得坐此人間多怨讐因深天地貸斧鉞除之又除名  
不留雖然未卽聽逐便已覺此身民是傳裂冠毀冕  
散車馬幅巾杖屨西南陬行者爭道舍爭席所向爾  
汝紛應酬洞山有語久弗契忽然一笑知來由我追  
我隨非我患那用避如韓伯休

### 別零陵

零陵詎中邦道阻五千里我以放逐來本非心樂只  
身止高山巔勿忽勿心彌半禊人情久自親沈復多可喜



道鄉集卷四  
十五  
坐使故鄉念如火沃之水罪大不得留今茲動行李  
昭州雖嶺南流寓蓋均耳儻未還庭闈在彼猶在此  
胡然當作離耿耿殊不已物我要兼忘咄哉從此始

道鄉先生鄒忠公文集卷之四

道鄉先生鄒忠公文集卷之五

古詩

將往昭州示柄

與汝暫相別南作昭州行昭州距零陵坦坦十日程  
音信易來往勿動異鄉情但自勤讀書思索厥義精  
聖賢如日月為汝出光明修身識根本力踐以其誠  
發為文字間筆墨自縱橫零陵豪傑士張鄧尤高名  
汝其師事之北面聽指令分陰古所惜况乃汝後生  
省定汝毋外謹勿他事縈皇恩極天地我罪終從輕  
還家知有肯欣見汝向成用為祖母壽慰叔及弟兄



携汝返鄉國重增門戶榮

飲桂州酒示柄

好酒如好人雖久畧不變炎涼互推移氣味愈可見  
豈若茅柴漿多為衆所賤舉杯吾得師足以警閭燕  
題義明定慧庵

結草依山名定慧於此冥心第一義鑪香深炷席簾  
垂老僧不見庵外事

答曾敷文有書見寄

有云客寓天地間本南北異耳作此答之

客寓天地間本無南北異此語安從生却成相鈍置  
戲作

作自我作止自我止莫被傍人推倒扶起

詠路

赤路如龍虵不知幾千丈出沒山水間一下復一上  
伊予獨何為與之同俯仰

一切諸佛子

我心如虛空無物可倫比潮南與嶺南誰行復誰止  
寶山得樓居屹枕樂川水森森青琅玕卻暑幾千里  
團蒲疊雙趺爐煙凝然起圓覺首楞嚴遮眼聊爾耳  
幽禽忽來鳴一切諸佛子

榴花



閣東閣西安石榴兩株相映花枝稠山高江濶萬木  
葉獨此爛熳開不休有如牙門集纓紱碧油幢外紅  
光浮又如青天駐羲御火龍鱗鬣驚人眸朝朝莫莫  
看愈好直若有有意寬離憂無窮歸念姑且置欄邊取  
醉商聲謳

### 僊宮嶺

曉雲生嶺端遮日成清陰炎氛遽辟易興逸安能禁  
僊宮風塵表高高百千尋石路上曲折健足猶難任  
綽約兩僊子雙鬟坐沉吟巫覡意何許門窻藤蔓深  
樵叟向我言自古傳至今去州五十里有峒鬱森森

陶家李家女年各勝巾衿恍惚若逢遇相與登崎嶇  
一朝作蟬蛻英魂不墜沉鄉人共祠之髣髴來顧歎  
水旱禱輒應民吏同所欽此宮乃行宮春秋薦誠謐  
言已叟僊去四望祛煩襟榮山直南聳龍嶽山朝壬  
越王連佛子密山秀孤岑回環萬峰巒插雲皆玉簪  
滔滔兩川流會合通梧潯漁舟糝木葉城郭幾突黔  
虛徐韻長松飛鳴集珍禽須臾煙靄青遐邇浮浸浸  
變化紛見門飲酒時一斟我罪貸五鼎我軀重千金  
雖居瘴癘鄉肯使瘴癘侵囊衣完舊裾匣劍存初鐔  
氣聽謝耳力誰到無絃琴子期久冥漠天地為知音



道維集卷五  
中和王度新祈招詠愔愔賜環諒匪朝聊以寫我心  
送子發還零陵

我自罪大當投荒君胡爲乎亦遑遑馬蹄舟楫困川  
陸省定違離萱草堂由來孤操絕流俗屹與巨鎮遙  
相望洞庭以南渺無際氣象突兀收湖湘平時事事  
不入眼惟恐有媿如毫芒色難直到古人處以其緒  
餘均四旁餘波邂逅亦及我使我方寸失感傷我親  
白髮照閭里我身跼蹐瘴癘鄉兩兒隨母仍舊寄骨  
肉星散知幾方乾坤子初無薄厚恩爲雨露威雪霜  
二柄交持不偏用萬彙生成如審量我雖棄擲五嶺  
外亦必有日蒙恩光故人亭邊是歸路尚得握手輸  
中腸將分無可爲君語獨有高義無時忘

有感

雲回雨歇天欲晴鶉鳩喚婦皆和聲山南山北樹陰  
裡懽然相趁爭飛鳴伊予流竄止平樂妻孥尚寄瀟  
湘城五嶺橫空喚不聞不如鶉鳩猶有情

聞彥和過桂州

人臣難有已況復顧其家忘家以徇國致主爲勛華  
割愛非不仁成功詎能加御史殿中傑指摘一作生  
疵瑕昔如鵠矯雲今如兔罹罟省符到房陵驅逐殊



喧譁卽日出門去形影自天涯羈皇獲衆雛驚散隨  
風沙渺漭失處所何由書報嘉君心固已定聞者空  
傷嗟

又

削迹投炎荒有吏督其後一州一易之稍緩輒訾詬  
所歷多官僚豈無親且舊前車覆未遙不敢略回胆  
誰謂桂嶺僧於君獨勤厚沐浴君髮膚澣濯君領袖  
使君霜栢姿凜凜出塵霧真風絕顧瞻高義激頽仆  
乃知世外情非復世間構嗚呼君何憂時命不終繆

自警

看書勿苦多多看目力耗作文勿苦多多作心力耗  
初雖莫覺悟久乃成悔懊維心神所居惟目神所造  
開闔出入間神傷氣亦暴所以古真人丁寧有深告  
平時當勤行況復處炎燠況復病初愈力始勝巾帽  
老母在鄉邦倚門望佳報尤宜決擇精全神以自好  
收目以內視冥心以存奧氣舒形康強外務一除掃  
生理保安完天恩垂覆燾歸看老萊衣歡欣長舞蹈

感歎

一犬捕執將祭神群犬隨之號極聲惡傷其類乃如  
此雖至苟賤亦有情人於天地最爲貴詩書禮樂開



聰明推恩尚欲極萬物而況等列皆替纓柰何心忍  
所不忍相殘相賊爭功名因知微畜反可尚使我感  
歎無由平

送李師聃祖道長官赴衡州來陽令

視國如視家愛民如愛子秉心金石堅古人槩如此  
今人亦古人但患物轉徙遑遑聲利間自不明本已  
安能使元元一以父母比問其所居位廣分國百里  
問其所食祿盡出民骨髓柰何莫之思顛倒以爲是  
祖道於今古問學妙窮理內重外物輕識者久歎美  
宰制得來陽何啻牛刀委導達聖主恩千仞決溪水

雨暘隨指呼絲穀飫隣鄙明神實聽之日夜介福祉  
君雖不求通軒冕自難已工部有英靈吾知爲君喜  
示徐道人

道人千里來觸熱廢寢膳問其何所爲但去求識面  
南方諸公門二年走略徧亦有苦苦留諸事頗安便  
念未見侍郎跋涉遂忘倦皇帝與天同深恩蒲州縣  
瘴鄉寧久留行復侍金殿賣藥至京師禮數隔貴賤  
姓名且難通況敢冀垂盼汝言豈吾知答之一笑倩

諭徐道人少唱喏

孔明拜牀下德公初不止道人見必喏我今勿復爾



道人非孔明喆拜不相似維我德公心寥寥無彼此

詠菊

菊菊叢叢簇簇種階除脫巖谷玉幹碧鮮金英黃郁  
爭妍無小桃結好有脩竹滿泛醇酒千杯高簪道巾  
一幅庭前子美休作詩籬外淵明自留目

詠竹

竹竹瀕江遶屋聲泠泠影矗矗霜雪難侵塵埃莫瀆  
梢雲齊老松帶日映寒菊籜置頂上高冠葉成樽中  
美祿行看威鳳飽相從不但子猷情最熟

有所歎

親者如路人故人如世讐路人與世讐反與親者侔  
無日不同處無事不同謀自謂腹心託長久踰千秋  
不知禍有孕有識所深憂一旦乘間作四顧誰依投  
徃徃捨之去掉臂不回頭却思故與親大寒索衣裘  
聰明天資高及已亦易求及此早覺悟厥疾猶可瘳

莫釣磯

飯罷何所之曳履江之湄粼粼白石間得石如環奇  
瑩然如紫玉屹立平不欹振衣坐其上聊以垂綸絲  
吾釣既不曲吾餌亦不施持釣非有釣與魚均莫為  
魚樂吾已得吾意魚豈知投竿歸去來晨昏以為期



下鷗臺

此心久已灰入鳥無驚猜輕鷗翔集處邀我相徘徊  
方圓十丈許疑是天所開鏘金兩灘瀨簪玉千崔巍  
耳目肝肺中何由着纖埃鷗雖不解飲屢舞勸我杯  
清狂與酒狂似此知幾回我歸有日矣鷗飛安在哉

讀頤卦

靈龜不語亦不食深之又深乃其息清泠淵中能事  
畢天長地久無終極朶頤自朶非自得何暇外觀惟  
汝卽吾言易行休更惑抱一故爲天下式

九日對菊

不雨江亦乾草木翳塵土重陽到眼前菊蕊猶未吐  
隣家一株來高才尺四五種之小庭中亦自足風矩  
摘葉以當花茱萸可爲伍泛我流霞杯喜色動眉宇  
頽然逍遙遊妙處有誰覩淵明何人斯東籬傲今古

道鄉歌

要識道鄉去處只在微塵裏許不立四至封疆不問  
二儀寒暑日月常放光明鳥獸率同歌舞其俗無舉  
無非其民無喜無怒別是一種乾坤全異九州風土  
師曠傾耳莫聞離婁拭目莫覩誰知有箇冥蒙踏著  
從來門戶入也不動脚跟居也不計年所行住坐臥



虛徐聲色香味愚曾偶然成矩成規未嘗為鼠為虎  
任他卜度從橫迥脫機關取與人間天上無明可謂  
自今自古

夢臣惠潘谷墨

老潘飛躡煙霞去墨寶流傳能幾許尚方猶以比庭  
珪况復人間故人處夫君好事追前賢巾襲深藏二  
十年雨暘燥濕莫知數畢竟挺然金石堅一朝酒發  
南箕舌信在言前可中輟有如印弄掌握間稜角雖  
刊終一決著書天祿垂無期雲將掉頭吾弗知但欣  
厚意厚若此來仙閣上信雙眉我有歙州韞玉石琢

成高秋遠天碧平時長自水流珠未省呼童助涓滴  
我有常州飽霜毫千錢一管價不高真行隸草字百  
萬勁鋒凜凜方適豪絳人陳元乃其伍相得懽甚誰  
能禦心灰緣此亦復然和我精神動衆字便滌硯便  
操筆便啓軒窓磨此墨敲冰佳紙適及門羅列千張  
耀晴日也吟詩也作文也把黃庭模右軍并包萬類  
入方寸倏忽變化生乾坤君不見老子絕學故能學  
君不見孔子捐書故能書因君起我書且學我書且  
學孔老俱孔老俱竟何如寫我長句酬勤渠

又



潘谷賣墨時呂翁嘗過之指授長生訣舉世那能窺  
但稱衆墨中谷墨最真奇一旦內藥成解去逃喧卑  
忽忽期月後來與丹元期夜飲曉分手丹元初不知  
仍留墨數片屬元付其兒有兒旋其門頂白元驚疑  
細詰所以然始知谷如斯谷僊今幾年谷墨今在茲  
靜言人間世舟壑常密移朱顏兀槁木綠髮垂素絲  
借令富貴極畢竟將奚爲谷乎真可人得墨吾得師  
夢臣再以墨來

孫郎文史外所好墨而已龜玉藏櫝中消辰乃開視  
未嘗輕示人每戒卞和耻謂予心事同分惠真可喜  
磨去五之一餘者恰盈咫印弄稜角利前言戲之耳  
蒼頭忽踵門喘汗殊未止恍疑皂囊藥無因至於此  
亟取啓緘封入眼勝雙鯉其長應天數其光動晴晷  
當暑尚挾纒豈但十襲比且云此不利品色尤更美  
始知雅意來要以補前毀想初聞語肯廢書頻拊髀  
兵法善致人所致必如指一朝下兩城曾不廢一矢  
坐令昂足心成轍亂旗靡堂堂莫我過勢若建瓴水  
墨東多乎哉一一是孤壘齊城七十二受降從此始

別昭平

江山本無情別去亦何語向來爽氣中食息三月許



道維集卷五  
來非吾所未去非吾所禦回首謝江山吾今若輕舉  
留別張雲立立之  
立之昭土也

來僊夢破知何處君今歸去僊宮路江頭舟楫領頭  
雲曾許乘風邀月住翛然三載與君同信我此心性  
白鷺白鷺忘情亦有情君更情多無量數天繪亭前  
不忍分遠送我來欣進步霜凋萬木見孤松顏色青  
青獨如故湘南湘北舊光陰從此回頭但煙霧得志  
軒前藕未花梅率小桃先已露與君同醉復同醒千  
頃池塘渺新霽好隨魚躍趁風雷飛上青天休反顧  
桂州紫極觀主求亭名名曰轉斗而示此句

轉降適斗藏初九上清密語誰知有七星峰頂紫霞  
前占得輝光長不朽

信中以詩來因次其韻送之

道言誰復書諸紳瀟湘江上逢斯人向來濱死入魑  
魅曾腹洞然無甲鱗炎氛吹風作旗靡玉樓倒影明  
蒿里孤心遠逐冷雲飛歷歷長亭不知幾聖門開了  
覩天庭妙脫筌蹄合喙鳴箇中無可無不可智者亦  
迷何處名渾沌兼忘儵與忽有口鼻如欣莫咄北山  
之北草堂深怨鶴驚猿他自物

送李方幾仲司戶



道集卷五  
我僊漢陽居君為建陽掾江山幾千里何當重會面  
身世波上萍歲月弦上箭自古以歎嗟不古乃獨見  
為仁豈由人弘道道該徧萬生無終窮同我一方便  
壑源春焙香黃鸝靜中轉簡畫有光陰歸坐亦可燕  
此事入高明了了為君見舟車暫西東勿受離情轉

題蔣彥回緋桃軒

何僊飢食王母桃王母喚去瑤臺高懷中核乃長生  
種付與東君誰適遭蔣侯本是神僊族揚州騎鶴飛  
遊遨回也不愚愚故道不肯釣海連六鰲變鄧家田  
作籃田產玉成芝天所褒柳將眼覩竟何覩花着心

覓空自勞東風莫逆花柳外洞然啓盡扁鐫牢鋪張  
雲霞駐遲日暖紅牽夢春陶陶恍疑何僊只春是衣  
繡還鄉導旗旄葡萄浪兀弄明月寧比倒着宮錦袍  
從今結就千年實食之工力逾圭刀聞說揚州鶴知  
得鼓翼已先鳴九臯

題成立道飛香閣

與其姪逸少隱會子于浯溪求易閣名以其翬飛紅蓮中

名之曰飛香閣而作是詩

碧池千畝紅蓮花勅書樓下醇儒家濟民仁壽逢主  
聖欣與萬邦無歎嗟六經變化天地濶何處不可為  
生涯只今耆域在庭戶信乎掇取皆靈芽氣運回環



助調燮各正性命逾塵沙是渠病愈我亦愈紅蓮影  
裏薰風斜陰功乘者飛北極上帝首肯群僊誇贈之  
丹桂一千尺攀條直上凌蒼霞

少隱惠所畫瀟湘雪景

永州城北十五里二水初同為一水天花開玉滿前  
飛人在故人亭子裏

又

前年深冬一丈雪巖擁朝陽渡黃葉鷓鴣插頸夢圓  
時天作高山付雙睫

又

將謂雪消無覓處元來只在毫端住為余展出凍雲  
天一片瀟湘宛如故

戲浯溪長老伯新

永州懷素精草書毫端萬象分卷舒渾身是眼看不  
破一筆至今藏物初浯溪得之不自用却要他人書  
作圖驀然打箇筋斗去覓紙覓絹一物無急將牀上  
被來拆手忙脚亂縱橫鋪五雲和尚巧言語掃盡六  
幅裁須臾疊了又開開又疊喜歡勝獲衣內珠二三  
子笑幾絕倒左右僮僕咸驚呼寧比酸寒杜陵老海  
圖拆應家人須脫巾漉酒解龜當表裏空曠真丈夫



吾行天下何啻半常恨眼前無此徒那知與發乃方  
外與彼嗜好同根株小中現大大可覩跳出規矩渠  
非愚他時風雪夜參半灰爐冰冷燈影孤坐披破絮  
似魚網數挽不揜皴肌膚只應侍者隔壁私自語我  
師為誰說法聲嗚嗚

觀華光長老仲仁墨梅

我從梅花海裏來驚此兩枝堂上開不由天降非地  
出道人作麼生栽培無縫塔子通一線放光照醒陳  
根荻玉蟾銀漢雨初霽半啓瓊室通瑤臺香雲漠漠  
護顏色世眼欲覩誠難哉不知取酒共春醉一杯一

杯復一杯

次韻和范信中同遊花藥有作

花藥山去來難遇此天日深衣書眼青摩衲禪眼碧  
鴈峰相與高可以同我適浮雲當面開千里見叢萼  
况紫蓋祝融插天日未夕正爾無能名僧來乞題石

湘陰鄧氏翠微洞

洞有臥雲堂聽松軒快目亭

臥雲雲無心聽松松有韻快哉耳目中吾今亦同分  
送成老赴西安

先生出逢堯舜肯自當勲業追臯夔胸中廊廟乃州  
縣雪霜次骨西安馳傍觀往往屢興歎色初不變心



希夷但雲將聖世所大乘田委吏皆嘗為道通為一  
無不可等君事耳何高卑高齋高車萬物表清獻清  
風天下師此心妙與此公契莫或違處今其誰民歌  
仁恩到天耳天須默薦君王知坐令四海歸一握陰  
陽變化隨設施行卽驗矣姑且置聊引花前金屈卮

偶書

朝讀一卷經暮讀一卷書一卷復一卷三藏與五車  
儒釋本不異昧者自親踈昧者不足道明者當何如

送陳公晦

寂不聞鳳鳴雙耳聾已久聿來丹山子一日驚戶牖

舊聽歛我還喜氣薄牛斗簫韶方九成飛勿衆禽後

吳公蔚將還滁陽出所集述德堂詩作此送之

述德高堂在何許述德高人欣可覩彭州夢破知幾

年遺愛遠追曾大父至今民數舊邦君每及吳公歌

且舞述而行之德莫窮定可周流浹天宇誰令千里

便歸休烟烟此心元自古四百六十五甲子貌若巖

松傲風雨曾中何啻法界寬普集塵沙諸佛祖一如

一切悉皆如迴脫拘攣不踰矩縱橫肉眼詎能窺但

見鼻間常栩栩只應高與老人星長現昇平瑞明主

詠張公奭廬墓有芝三本

錫山居士張公奭廬墓側有芝三本生焉



繪以爲圖  
見者咨歎

此芝初無根生自孝誠裏孝哉本於誠非緣利心起  
無芝非所作有芝非所喜不期芝有無秀出乃如此  
養志勤色難送終極哀毀既葬不忍歸結廬獨留止  
孺慕秋復春淚接九泉水比隣或未知天已知之矣  
因芝示邦人邦人爭贊美會逢當路賢薦此八行始  
書公孫卷末公孫三捷袖詩過予門乃一時公  
卿大夫士推美其前人所以孝於  
其親者而韓范  
二公先焉因書  
韓范天下賢褒貶不妄出舌端有春秋所與惟其實  
一舉十五袞富貴所難必公孫賤且貧茲事乃能畢

心追古人高迹付今人述二老首形容昭勸無終日  
伊予特後聞歎恨頗自失東望天平山風松正蕭瑟

### 代書寄清老

從來遊戲常三昧出語縱橫無忌諱老聃全與釋迦  
同人畏猶云亦當畏

### 題雙芝軒

難弟難兄難氏子大學聲名聳多士同昔流輩久公  
卿猶傍短檠業文史今年鑒拔貢辟雍伯仲皆升從  
此起集英春曉拱天臨龍頭妙捷人間喜鸞臺鳳閣  
便騰騫况乃吾鄉有前比向來胸中宇宙寬包盡華



夷無復委發為動業助堯仁肯今元凱常專美儻如  
不信視雙芝端不虛生漫黃紫

道鄉先生鄒忠公文集卷之五

道鄉先生鄒忠公文集卷之六

詩

和路主簿思雨

造物初無失與餘盈虛消息自洪鑪晴空已見雲如  
火秋獲難期米似珠劇邑君宜形遠慮泮宮我亦念  
群枯若為驚起蒼龍睡賴有新詩勝大雪

見論詩頗有感故有

是句

獨坐偶書

梧桐沐雨響玲瓏簾幙陰陰颺晚風講誦乍聞人語  
息滿床書史興何窮



寄濠州陶戶曹

臺枕長淮聳半空  
登臨應得古人風  
水天上下碧無際  
莫獲觀魚與子同

勉畢元明

男兒數偶奇不必苦嗟咨  
顏子猶簞食莊生亦布衣  
百年容易老萬卷卒難窺  
致力宜爲者騰驤自有時

謝羅朝奉惠栢栽

惠我栢雖小觀君意寔深  
欲令儒服者同此歲寒心  
月映庭雕玉風來韻響金  
公車已馳節不及待清陰  
和錢簽判贈胡都曹

公餘來訪習家池  
楚楚王孫桂一枝  
九十春光未過半  
倒壘尤喜有前期

和路主簿喜罷役法并酬范奉議見寄

因革紛然豈用情  
由來消息與時行  
奏封直指財并力  
造法當期實應名  
可使華夷漸潤澤  
不煩衡石自均平  
將明况是憂民者  
卽見頤頤百室盈

酬黃秀才見寄

自期謀道不謀身  
不逐輕狂戲此春  
讀史窮經求在我  
攀龍附鳳彼何人  
一言逢主未如志  
百結成衣肯歎貧  
早晚病除堪屬思  
新詩莫厭起予頻



偶書

底事爰絲不自高  
傾心劇孟久遊遨  
元來緩急叩門處  
狗義忘軀勝我曹

和郡主簿絕句九絕

管鮑當年志風霜固自如  
信衰緣嗜慾豈在數行書  
俗論長紛若微言僅茂如  
逢君揮玉麈勝讀十年書  
肘後虛金印梅僊職偶如  
升高元自下功業異時書  
塞北亢喉地并門子所如  
六花無用處卻穀自詩書  
能詩唐太白善賦漢相如  
元帥真文舉應先薦襪書  
取友能無乍初終貴一如  
陳張遺轍在試展馬遷書

咳唾成珠玉吾儕孰子如  
更勤潘氏學豈愧樂

提履歸何處觀花笑自如  
期君求向上糟粕古人書  
春風暗楊柳相見意何如  
雖愧江淹筆狂言爲子書

送詩卷還參寥

盈軸新詩字字清  
彌天元不愧聲名茂  
陵消渴無醫處  
賴有醍醐得細傾

和路子高微雨中至山光寺

野濶天低四望賒  
霏微膏雨兆休嘉  
早鐘鬱鬱穿雲斷  
官柳垂垂夾道斜  
邂逅庭前方指栢  
逶迤木末已棲鴉  
楊朱易服歸來處  
荷笠收車幾萬家



送監作院潘供備

盟府功臣奕世孫，低回筦庫尚隨群。干戈分職名雖武，詩酒忘懷格自文。傾蓋二年嗟往事，贏糧一日指行雲。江梅欺雪南枝發，如綉新除定此聞。

其二

飄飄雅致孰如君，旋闢西軒置酒樽。振木豈惟聞白雪，斷纓仍許醉黃昏。長亭風順已言別，小圃春迴空自繁。惆悵潛齋不知處，何年携手却重論。

簡王正父覓酒

甕面蛆浮玉槽頭，水滴珠未能如茂世聊。與義城俱

寄周廉彥

楚水不風魚逝遠，霜天初月鴈飛高。履穿袍敝渾無暇，目斷心馳祇自勞。

和劉知錄見寄并簡陽先生

行先

劉郎爽氣曉霜晴，陽子高懷寶鑑明。雖幸竹林容入會，每慙布鼓獨無聲。一杯葵藿真佳趣，五鼎牛羊謾宰生。廊廟他年調燮手，不妨潛室且和羹。

和陽先生見贈

萬卷藏書肯自閒，沉涵聖道欲晞顏。片心旣與人寰遠，逸駕寧容俗士攀。嗟我曳裾膠擾處，荷君置榻寂



寥閭藜羹玉塵清無限每到斜易不忍還  
求劉知錄澄泥香爐

千卷新書三疊琴青燈炯炯夜沉沉野人此外無餘  
好只欠澄泥一炷深

大雨中接憲使因成小詩呈陽先生

霜風折木雨如傾斂板泥中廝役并遙想先生鼓琴  
罷觀書正傍短燈檠

次韻盛長官覓酒

九萬鵬程戢怒飛驅愁却歎酒無威類官官冷非文  
舉一斗何能醉十圍

次韻胡秀才遺桃花

灼灼桃源數朶紅青禽傳到華門中傍人只喜窺春  
色達士元來寄祖風謾說幾經千歲賞會須一笑萬  
緣空沉香散處圓蒲穩花自蕃鮮體自同

次韻俞秀老建隆道中

道人不獨是詩豪曾把滄溟注一毛破曉聯鑣訪孤  
寂致身如在太山高

次韻慕公寔

從來文史足三冬何事明時作退翁刺口豈能論擾  
擾冥心直欲似空空半軒莽蒼雨初霽一釣清冷月



正隴好把晨昏付香火箇中真樂更無窮

次韻錢岳雪中

六出飛瓊玖雪愁正膈天寒聲生密竹爽氣徹純綿  
故苑風初靜重樓月尚圓何當酬此景蘸甲引金船  
次韻王賢良贈陽先生

脩塗幾閱歲終窮鶴唳猿啼蕙帳空杖屨何當歸舊  
隱靜看五柳颺春風

其二

鬻鬻所樂本非窮曾向真乘悟色空聞說近添方外  
友清談應得晉人風

二月十五日朝拜建隆橋上偶作

單衣迎犯曉風清斗柄回南月尚明柳密行人看不  
見輪蹄相屬但聞聲

清明日遊大明道中

春風蕩漾遍天涯縱步郊原事事嘉不許遊人同所  
得竹林深處試龍茶

和通判王定國承議遊竹西

流年忽忽又殘春策杖郊原肯厭頻往古來今何足  
校閒花幽草自爭新旋開酒蟻成高會共解名韉作  
逸民隨處怡然真有味不須千里憶吳尊



其二

一霎狂飈破曉陰春光極目幾千尋  
會須勝事追蓮社更約幽人訪竹林  
渺渺平田涵白水蕭蕭蒼檜聒清音  
鄭虔才大猶遭罵重愧持杯許脫簪

送胡適道秀才東歸

十年星散忽相逢寂寞蕪城古類宮  
一炷澄泥窺祖要三卮浮蟻對春叢  
牢芻豈解留天驥雲路還聞逐塞鴻  
蓮社故人如見問爲言涉世百無功

次韻蔡寬夫解元暮春見懷

九十青陽安在哉臨風搔首謾遲回  
春於我輩非無意詩必先成爲有才  
拖架酴醾香破麝翻堦芍藥大逾杯  
病除更約歸愚子浮蟻猶堪席地開

又

驚紅蕪蕪點蒼苔春去黃鸝喚不回  
九藏脉參知我病千人筆掃見君才  
會須礪砢揮談麈方悟蜿蜒落酒杯  
命駕想應憐叔夜笑頰一月幾能開

又倒用前韻

休論花草與樓臺借得江南疊嶂開  
縱使春歸無覓處何妨人樂自持杯  
棋如孫武推多筭詩似顏淵已竭才  
早晚竹林修故事更看君筆燦昭回



送及之賢良遊錢塘

屏迹人間二千年下帷捐究陳編新書曾入老商  
盼高第誰如顏子賢策杖青山元有約揮金紅藥故  
無緣豈宜便隱雙溪去優詔行聞墜日邊

送俞秀老歸維揚

踏雪驅驅原憲履御風獵獵老萊衣情投豈比鍾山  
出興盡還同剡水歸煬帝池邊松蔭遠維摩室內燭  
光微携筇促席相羊處應記當年接下機

雪中呈秀老原道

引舟西上正隆冬千里隋堤雪翳空恰似常年三月

尾柳花凌亂逐東風

戲孫揚休

耿耿僧坊寄日邊晚移窮巷避誼闐羹藜不飽同攻  
苦秣馬言歸獨處先木葉已隨風力遠霜輪行作璧  
形圓衣冠返敝文昌路何似高堂坦腹眠

簡李子溫推官

太冲當日號無兄苗裔于今更絕倫力究本源書麓  
富唾成珠玉錦囊新龍門久欲攀高躅鼎角方欣覘  
後塵借問竹溪餘地否狂吟聊伴謫僊人

寄周廉彥



道維集卷六  
不見冰清幾歲周乘風舉翮恨無由瀕江松竹三秋  
後隱几情懷萬事休險阻艱難空蟻鬪東西南北正  
萍浮與君相好如兄弟莫惜微言為置郵

風起有感

秋來鬱鬱但炎蒸一夜狂飈駭四隣  
斷送冥鴻尤得勢留連殘暑更無因  
鏡中鬢髮雖非故窓下燈檠漸可親  
勿似安仁兒女態由看節物重悲辛

班超

功名從古病難成沉作天西絕域行  
縱有平陵同落  
落其如衛侯尚營營殺妻吳起終遭逐  
上疏鴻卿不

免刑定遠獨能逢聖主千年萬歲藹嘉聲

次韻崔浚明見贈

誰為冥行作指南青燈黃卷久間關  
逢君豈測陂千項許我時窺豹一斑  
驥足拘攣雖未展龍鱗騰踏會須攀  
如何暗把隨珠擲欲報殷勤只強顏

將至南京簡應介中

得之平陸我登車不見群優子孟子誅  
只恐鼻端無好質歸時依舊腹空虛

其二

幾日風塵困馬蹄忽瞻孤塔獻雲霓  
雙眸已似清江



洗沉入亭城見角犀

其三

先生不得醉紅裙何以留連逆旅人  
故苑池臺老秋色類宮講罷走車輪

其四

直諒多聞許我親迷途從此遂知津  
社中忽恠爾來進曾向睢陽見異人

九月朔夜聞雨

塵濛蛛網暗東齋設榻君能待我來  
昨夜梧桐有消息會須急上宋王臺

送曹巨源之南都

高堂且置琴中操駿馬初馳陌上塵  
無限清風與明月一時分付屬閒人

又適中

剽犀翻羽早稱奇亨會難遭但布衣  
不使牙籌煩伯仲果然玉樹照庭闈  
靈臺久已天昭鑒奏籍初聞子發揮  
三世簪纓正無恙如何遽作百年歸

又

南明山下讀書堂曾許寒生借燭光  
高義豈殊親骨肉令人無復念家鄉  
那知十載天涯別忽起三泉薤



露傷追恨故時携手處不能執紼助棺傍

和朱仲明見贈聞琴

子期骨髮已埃塵誰謂知音不復生觸處折楊爭屬  
和獨君忘味歎遺聲華門寒日正多暇玉塵高談相  
與清鶴舉魚沉重惆悵一樽麥酒薦藜羹

次韻趙希元憶處州梅花

萬花頭上占天工得意開時斗未東破月麝臍來馥  
郁橫煙玉樹淨玲瓏暖歸故藥應欺雪人在他鄉正  
御風借問殷勤動詩興忘機爭似鹿門翁

冬至夜夢中作

爐煙颯颯對團蒲暮去朝來只自如還見人間好時  
節群陰消盡一陽初

雪中簡次蕭求團茶

竹上松間敲玉花最宜石鼎薦靈芽蓬門不識蒼龍  
壁借問風流宰相家

和晦之見贈聽琴

忌子當年妙五音曾令按劍革初心師文重愧難成  
曲潘岳胡爲繆見尋在昔絲桐嘗棄置到今山水自  
高深何當共造無絃處莫使淵明擅此琴

再和晦之



舉世欣欣漾上音絲桐還寄長卿心知君韶濩思千  
載勁節松筠挺幾尋萬籟息時霜劍立一燈明處夜  
堂深他年振鐸收遺器豈愧雲和瑟與琴

倒用前韻

我有一張琴窮高更極深瓠巴那解鼓師曠香難尋  
寂寂三冬夜悠悠萬古心衣冠徧天宇誰爲作知音

次韻道卿寄同僚

從事休嗟我獨勞何如對雪詠漣漣聖賢激灑冬來  
美朋舊綢繆老不凋仇覽初年猶主簿田單他日竟  
屠鄒上方側席搜遺逸未易沅湘作大招

督巨源和詩

詩成七步有家風底事淹留歲已窮應笑枚臯太容  
易欲令句似長卿工

郊行呈彥祖

遲日初乾雪徑沙等閒聯騎過田家長官標格風塵  
外衰草坡前報晚衙

和彥祖寄次蕭

格外參軍事事嘉竹窓全是子猷家清狂上客知何  
處恨不同燃栢徑槎

東理堂



主人生長綺紈中標致分明儒者同結構不因窮鼎  
俎棲遲聊欲事磨礮血漫霜劍悲王鳳坐擁雲鬟笑  
馬融銘府功勳久牢落會須騰踏振家風

戲社正李子溫

紅蓮上客有新篇不見長安驛使傳寄語持綱社中  
老可憐三百青銅錢

寄陽先生

先生名孝本唐陽城苗裔舉進士不  
偶輒罷不畜妻孥來師京買書數萬

長揖公卿不轉頭五車圖籍指虔州屑榆肯使家風

陰謝幣空令世俗羞鄉人知其貧甚共出錢三弄鳳

騎龍誠莫及壞車殺馬恨無由高山出處君知否嵩  
處士近有朝廷起者未  
幾言者交攻之竟罷去似與高人作覆軒

發山口堤上

煙籠官柳柳籠堤風引澄波細細移駿馬不知鞍上  
意回頭已是獲麟陂

渡汶河

舊來紙上得河名今日橫過徹底清浚治早經神禹  
手若為汨汨尚西行

過中都王彥章廟

一時多難見忠臣力擁貔貅扞此城豈為聖人曾作



宰由來壯志在留名鐵鎗埋沒今何處廟食追崇事  
若生功業已經華袞贈只應長伴斗魁明

### 慎奪堂

百鍊終成繞指柔何人勁節擬橫秋目前軒冕自來  
去堂上詩書嘗講求風度綺疎香漠漠月移苔砌竹  
幽幽將軍此意生平事不似空言不到頭

### 閭軒

結構俯危城公餘杖屨輕事隨塵自遠心與水長清  
隱几魚方樂開窓雨乍晴懂懂渡頭客誰會此時情

### 王憲湖上分韻得荷字

使星明處是天河習習輕颺生芰荷自有芝蘭隨後  
乘更容簪履侍鳴珂未甘城鼓促清賞聊與汀鷗分  
素波異日定應如此少雲雷行欲起龍梭時王憲  
已被召

### 送王憲赴闕

鳳詔傳天北輜軒指建章既能思賈誼何患老馮唐  
况是高門慶從來美譽彰靈臺懸寶鏡峻節凜秋霜  
庖刃誠難敵黃陂豈易量承家但清白報國頗施張  
屬部分釐犬終朝事錦囊收功殊俗士知己恃明王  
此去堪前賀胡為獨倍傷昔霑淮水潤今借德星光  
折柳故多恨銜環空不忘它年重望履應已步嚴廊



送王裘仲侍親赴闕

置榻初相得膏車忽啓行  
秋風無限事麥酒不勝情  
原憲何曾病丘明竟有聲  
從容湖上語他日看功成

道鄉先生鄒忠公文集卷之六



